

# Ventu

Ventu, ventu chi soffia da l'alte cime  
Duve ne vai à spassighjà  
Tù chi franchi centu confine  
Di mi cum'ellu hè quallà  
Di mi, s'ellu ci hè rose senza spine  
E fiori senza annacquà  
E s'ellu ci hè fere mastine  
Incù sguardu d'umanità

Di mi, di mi s'ellu ci hè core umanu  
Sempre, sempre prontu à porghje è à dà  
E senza rifiata  
E s'ella si tenda la manu  
Permai più teme falzità

Ventu, tù chi conosci li sicreti  
In supranendu da quassù  
Di mi s'è un ghjornu, i nostri eredi  
Guderanu ogni virtù  
Di mi, si ci hè amore senza fele  
Si ci hè avvene da sperà  
S'elle s'accendenu le stelle  
Per chì cerca lu so salvà

Di mi s'è un ghjornu, in sta terra in brama  
Di pace, di gioia è di felicità  
E per l'Eternità  
S'ella s'accenderà torna la fiamma  
A u celente, celente immensità